

INUIT ATAQATIGIIT INATSIARTUNI



UPA2023/50

20. April 2023

Mariane Paviasen

Aatsitassat pillugit ingerlatallu tamatumunnga pingaarutillit pillugit Inatsisartut inatsisaata (aatsitassanut ikummatissanullu inatsit) allanngortinneqarnissaa pillugu Inatsisartut inatsisaat.

(Aatsitassanut Inatsisillu Atuutsinneqarnerannut Naalackersuisoq)

Oqaaseqaat:

Naalackersuisut siunnersuummut uunga saqqummiussinerannut qujalluta Inuit Ataqatigiinniit ima oqaaseqarniarput.

Inuit Ataqatigiinni ukiuni arlaqartuni innuttaasut oqariartuuteqartarnerat tusaallugit aatsitassanut inatsip allanngortinneqarnissaanik anguniagaqarluta sulinikuuvugut.

Siuliani oqaaseqaatinni oqaatigeeraluarlugu oqaatigeqqilaarlara 2021-mi ukiaagaa qineqqusaarutigisimasama ilaat piviusunngortinniarlugu siunnersuuteqarpunga aatsitassanut inatsip allanngortinneqarnissaanik.

Aatsitassanut inatsip maanna atukkatta pitsaanngitsortai iluarsiviginiarlugit sulissuteqarpugut, maannakkut inatsimmi anguniagassatut suliniutit inatsimmut ilagittinneqartut isumannaallisaaneq, peqqissuseq, avatangiisit, pisuussutinik atuinermi inuiaqatigiinnilu piujuartitsineq eqqarsaatigalugit naammassiarneqartassasut inatsisigaarput, tassa inatsimmi peqqissutsimut tunngasut eqqarsaatigiinnarneqartussaapput naammassiniaannarneqartussaallutillu. Tamanna akuersaarneqarsinnaangilaq. Inuit peqqissusaat aatsitassarsiornermi eqqornerlunneqartussaatinneqassanngilaq, avatangiisip innarlitsaaliorneqarnissaa pingaaruteqartorujussuuvoq eqqarsaatigiinarnagu piviusumik innarlitsaaliorneqartussaavoq. Piujuartitsineq eqqarsaatigiinnarneqartussaangilaq naammassiniarneqaannartussaangilaq piujuartitsineq sapinngisaq tamaat anguniarneqartussaavoq.

Taamaammat Inuit Ataqatigiinni nuannaarutigaarput maannakkut Naalackersuisut aatsitassanut inatsimmik allannguiniaarlutik saqqummiussinerat.

INUIT ATAQATIGIIT INATSIARTUNI



Aatsitassaatigut tassaapput siusinnerujussuakkulli inuussutissarsiutissatut aningaasarsiutissatut sukarsuit sisamat ilaattut oqaatigineqartuutut.

Aatsitassanut inatsisip pingasunik inatsiseqalernissaa isumalluarnartutut oqaatigisariaqarparput maannakkummi inatsisi atugarput annertoorujussuuvog inuup ataatsip aatsitassarsiorniarnaniit, aatsitassarsiorfissuit angisuut ingerlatsiniarnannut inatsi atuuppoq.

Tusarniaasarnerit, avatangiisip mingutsaaliorneqarnera, misissueqqaarnerit, misissueqqissaarnerit, aatsitassarsiorlunilu aallartinniarnit ingerlatsinerillu tamavimmik ataatsikkut inatsisiliuunneqarsimapput, ilaatigut annertungaarmat paatsuunganarsinnaasarluni. Taamaammat maanna siunniussa q pisariaqartutut oqaatigisariaqarparput, minnerunngitsumik innuttaasuulluni, aammalumi aatsitassarsiorniartuulluni inatsit pineqartorpiamut tunngasoq nassaariuminarnerulertussaavoq.

Taamaammat aatsitassanut inatsip allanngortinneqarnissaannut siunnersuutit aallaavigalugit uumap inatsisissatut siunnersuutip Naalakkersuisumit saqqummiunneqartup Inuit Ataqatigiinniit taperserparput.